



# TVRBA PHILO- SOPHORVM

IN

SECVNDA PHILOSOPHIA  
LONGE DIVERSA ET COPIO-  
fior, quam reliquæ, quæ passim  
circumferuntur.

**N**ITIVM LIBRI TVRBAE PHILOSOPHORVM, in quo discipulorum prudentiorum dicta Arisleus congregauit, Pythagoram philosophū & magistrum introducendo, sententiasq; ex discipulis colligendo. Vocatur & hic liber tercia synodus Pythagorica, de occulta sapientia inscriptus. Iubet autem Pythagoras Eximidium discipulum collocutionem ordiri, & de sapientia occulta differere, deinde & cæteros ordine quoque suam sententiam efferre. Incipiens itaque.

EXIMIDIUS ait: Omnia rerum initium esse naturam quandam, eamq; perpetuam, infinitam, omnia fouentem coquentemque. Naturam autem corruptio-  
nis & generationis tempora esse veluti terminos, qui-  
bus ad id quod vniuersalis natura fouet, ac coquit, per-  
uenitur. Stellæ verò & astra cùm ignea sint, vniq; natura  
coctionis & fomenti sunt. vt autem mansura essent, &  
suum officium rectè facerent, Deus inter ea & terram,  
resque fouendas & coquendas, aëra constituit, qui  
stellas contineret & prohiberet, ne (præsertim Solis  
flamma, taceo enim de cæteris, ait) omnia subsistentia  
combureret. Et si spiritibus, quibus creaturæ genera-

2